



Ա Ր Ա Ր Ա Տ

ԹԻԻ Ե. — ՇՐՋԱՆ ԻԲ. 1890

ՏԱՐԻ ԻԳ. ՄԱՅԻՍ 31

ՕՐՀՆՈՒԹԻՒՆ

ՍՐԲԱՆՈՅՍ ՄԻԻՌՕՆԻ

Ներկայ 1890 տարւոյ Սեպտեմ. 30ին ի տօնի Վարազայ Ս. խաչի՝ ըստ յաջողելոյ Տեառն Ըստուծոյ՝ Վեհափառ և Սրբազնագոյն Վաթուղիկոսն ամենայն Հայոց Տ. ՄԱԿԵՐ մտադրեալ է Ս. Միւռօն օրհնել:

Ս. Միւռօնի օրհնութիւնը Հայաստանեայցս Եկեղեցւոյնուիրական արարողութիւններից առաջինն լինելով, Վեհ. Հայրապետը բարեհաճեցաւ կանխաւ ի լուր ամենեցուն հրատարակել, որպէս զի ցանկացող բարեպաշտ հոգեւորականք և աշխարհականք ըստ նախնի սովորութեան ի ժամանակին ժամանեն ի Մայր Ըթողս և վայելեն Ս. Միւռօնի օրհնութեան շնորհը: